



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU



*Ddu sciiast?*

Ddu sciiast chi in Sestu ddui funt unus cantu de topònimus chi tenint un'arrèxini linguìstica pùniga? Custus funt “*Costa su zippiri*, *Sa zicchiria* e *Mitza pudèxia*”. Is primus duus pertocant is matas e su de tres s'àcua. Su tzìpiri (in italianu: *rosmarino*) ndi benit de *zibbir* cumenti ddui est scritu in su liburu “*De herbis*”, acostau a s'autori bìviu in su de cuàturu sèculu a pustis de Cristu, Pseudo-Apuleius. Sa tzichiria (in italianu: *aneto*) ndi benit de *sikkiria*, cumenti est testimongiau in s'erbàriu “*De materia medica*” de Dioscoride, scritu in su primu sèculu a pustis de Cristu. Su de tres, mitza (in italianu: *sorgente*), dd'at acostau a su fenìciu su linguista Max Leopold Wagner po su fueddu ebràicu bìblicu *mitsa/metsa* chi olit nai “logu de innui ndi bessit calincuna cosa”.

